

健康使用互聯網 - 學生導引

影片分析

影片一：多媒體情「識」

故事大綱

近年智能電子產品普及應用，年青人有更多機會接觸不良多媒體資訊(如色情、暴力、腐化及可厭等種類)。本影片讓青少年認識網絡對其個人發展的影響從而建立正確的道德觀念及自律意識。

情景(1)：成人網站

透過兩名母親談論子女上網習慣，帶出網絡色情及上網成癮等問題；並透過安裝電腦過濾軟件的對話，講出父母們的心聲，從而帶出安裝電腦過濾軟件的果效及因而引申父母與子女在此問題上的相處問題，如，相互信任。

地點：小強母親家中

角色：小強母親、朋友王太太及小強

旁白

小強母親: 飲杯水吖！

朋友王太太: 唔該。

小強母親: 聽講你個仔入咗間好好嘅中學，恭喜晒！

朋友王太太: 多謝！你個仔嗰間都好好吖！係呢！佢係唔係成日都上網㗎？

小強母親: 放學返嚟就開電腦上網。呢你睇

朋友王太太: 我個仔都係呀！叫佢唔好咁沉迷，但佢次次都話上網搵資料做功課！

小強母親: 我個仔都係咁講，不過佢都算自律，我哋傾好每日唔可以上多過兩個鐘頭網，放假就可以多啲。

(細聲)你知唔知你個仔上網做啲乜？有冇上啲成人網站？

朋友王太太(激動): 講開，上次真係嚇死！一開電腦就見到個鹹網，咪鬧個衰阿爸囉！

小強母親: 鬧得好！家長有責任教育子女，免受淫褻同埋不雅物品嘅影響！

朋友王太太: 我之後檢查過電腦嘅log-in記錄，又真係唔關阿爸事。個仔開始大，所以我叫阿爸開始教佢正確嘅性知識……

小強母親(笑): 咁認真……

朋友王太太(笑): 個仔即刻諗到咩事啦！佢話唔關佢事㗎！係開同學傳過嚟嘅電郵果陣，個鹹網自動彈出嚟……

小強: 我都收過呢啲電郵，好在個過濾軟件不停彈個message出嚟話個電郵有問題，如果唔係就出事！

小強母親: 話時話，有冇諗過裝過濾軟件？起碼可以限制吓內容同埋上網時間。

小強: 有心要睇嘅話，用手提電話或者平板電腦睇都得……

朋友王太太(無奈): 咁又係……

小強母親: 除咗電腦外，聽講話依家手機同埋平板電腦都有過濾軟件……你咪試下裝囉!

朋友王太太: 咁……小強，如果你係我個仔，我係你部手機度裝過濾軟件……你會唔會以為我唔信你……

小強: 咁就要睇下你點同我傾啦……

情景(2)：成人APPS

《情景二》透過三名學生在公園的對話，探討青少年對現今流行以APPS觀看或傳送信息及照片的態度，指出網絡資訊和APPS均受到《淫褻及不雅物品條例》的規管，道出一旦觸犯此條例將影響個人前途及家人。

地點： 公園

角色： 學生Henry、女同學May 及 男同學Peter

旁白

學生Peter: 喂！

學生Henry: 做乜嘢呀！

學生Peter: 俾啲好嘢你哋睇吓！

學生Henry: 又有咩新發現？

學生May: 有咩睇 ~

學生Peter: 哈哈！「現代愛情技巧」 Apps。

學生Henry: 個名咁怪嘅…….

學生Peter: 其實呢個係免費成人Apps！好多靚女相同埋小說，不過短片就要收錢。唔緊要吓，我download咗啲短片之後send條Link俾你哋。

學生May: 好呀，唔使俾錢……睇吓係乜都好。

學生Henry: 喂，聽講互聯網上嘅資訊同樣受到《淫褻及不雅物品管制條例》規管㗎！如果個 Apps嘅內容屬於第II類不雅類別，係唔可以向18歲以下人士發布㗎，第III類淫褻物品就更加唔可以向任何人士發布。

學生Peter: 咁又點啫，用手機click兩下就download到啲Apps，係唔係成年人，你自己報咋嘛！

學生Henry: 咁我哋要識得自律囉！如果人人以為無人知就可以做衰嘢，咁個社會咪會好亂…

女學生C: 講少少大話之嘛！有無咁嚴重呀…

學生Henry: 呢啲來歷不明嘅apps，隨時竊取左你嘅個人資料你都唔知，一陣傳到人人都知你就麻煩！

學生May: 咁又係嗰！分分鐘連我同埋我班friend嘅秘密同私隱都俾人哋知道晒，都係小心啲好。

學生Peter: 好啦！你哋唔睇，我都唔睇啦！

情景(3)：偷拍

《情景三》男女同學在家中玩即時通訊時APPS的情景，帶出上載，下載及傳送淫褻及不雅物品的看法及態度，指出發佈淫褻或不雅物品有機會觸犯刑事罪行，引導學生們分析及評價色情資訊的對錯，從而幫助他們建立正確的道德觀。

地點: Henry家中

角色： Henry、Henry母親、女同學May及警察

旁白

Henry母親：阿仔！你電話響呀，駛唔駛幫你聽？

Henry： 唔駛啦！你知唔知咩叫私隱？我自己聽得啦。

May (阿仔同學)： 好悶呀>。<有咩玩呀。

Henry： 唱K！？

May： 阿媽唔俾出街！

Henry： 唔好勞氣，俾D好嘢你睇。

May: 咩嚟㗎？—

Henry： 我個friend send咗啲港鐵偷拍嘅短裙相俾我，獨一無二㗎！

May： 變態㗎你！你有冇考慮人哋嘅感受㗎…

Henry： 睇吓啫，我又冇非禮佢哋，見唔到樣佢哋都有蝕底。

May: 你哋怕唔怕遲早俾人拉呀！

Henry： 邊有咁易呀！

Henry： May！再有的好嘢益你…收「片」

(May打開短片)

May: 近來好hit嗰條公園親熱片？邊度搵番嚟？

Henry：朋友嘅分享。

May: 啲咩friend 嚟㗎？成日分享啲不良資訊？你因住中毒呀！

Henry： 冇事嘅！仲有D清楚啲嘅相，好正㗎！有興趣，分享埋俾你。

May: 唔睇！唔係個個都鐘意睇啲不良資訊！

Henry： 唔睇就算…

「後事如何？」

(一星期之後)

有人向警方舉報阿仔發布淫褻資訊，警員上門調查，並取走阿仔的電腦及手機作為證物，並追查阿仔的朋友是否在港鐵偷拍女乘客的短裙相。

阿仔擔心自己觸犯法例之餘，又憂慮報章可能大肆報導，令其家人蒙羞。